



vnd dem puncten .16. ein trum vngeserlich ober bleyb / darnach setz ich eyn auffrechte lini / auff die zwerchlini .a. b. in den puncten .13. so lang die zwerchlini .a. b. ist / vnd punctir sie auch mit disen zalen / vnd sel von vnden vber sich / Darnach nim ich ein richfscheit / vnd stich darauff die leng .a. b. vnd setz das mit dem ein end / auff die zwerchlini .a. b. in den puncten .7. vnd leg es in der auffrechten in den puncten .7. vnd wo das ander end des richfscheits hin triff / da setz ich auch ein puncten .1. Darnach leg ich das richfscheid mit dem eyn end auff der zwerchlini .a. b. in den puncten .2. vnd er hebs an der auffrechten lini in den puncten .2. wo dan das ander end des richfscheits hintriff / dahin setz ich auch ein puncten .2. Also thu ich im durch die ganzen zal der zwerch vnd auffrechten lini / bis das ich im durchschließen zu .16. zalen kom / Darnach zeuch ich dise muschellini von punct zu puncte / wie ich dann hie vnden hab auffgerissen / dise lini ist in mancherley weys zu verkeren.



S Difer egemachten lini mag man eyn werckzeug zurichten / damit man sie machen kan leichtlich / nemlich also / Mach eyn virectet holz so lang du sein bedarffst vber zwerch / des anfang sey vorn .a. hinten .b. daren stoff oben eyn tieffe niet / dz etwas darin hyn vnd her gefürt müg werden / vnd theyl das holz / mit puncten vnd zalen in so vill teyl du wilt / vnd heb die zal bey dem .a. an / Darnach mach in der mit an ylicher seitten diser zwerchladen / zwey auffrechte dünne richfscheitlein / so lang das zwerchholz oder laden ist vnd das sie eng bey eynder sten / vñ punctir sie gleich mit der zal / als dz zwerchholz oder die laden punctirt ist / vñ heb die zal vnden an / Darnach mach eyn feins lenslein so lang oder kurz du das haben wilt / vnd mach im zu hinderst eyn vmlaufes redlein / dz in die mit der nyet der zwerchladen .a. b. gerecht sey / drinn es hin vñ her geen müg / Darnach scheid dz lenslein zwischen die zwey richfscheitlin hinaus gegen dem teyl .b. vñ setz das hinten oder vnden mit dem redlen in die mit der nyet des zwerchholzes / gegen dem .a. in den ersten puncten .1. vñ leg das lenslein zwischen den richfscheitlein auch nider in den vndersten puncten .1. vnd wann du dan mit dem redlen vnden gegen dem richfscheit ferst / vnd so weyt du hineyn ferst / so weyt far alweg dem lenslein zwischen dein richfscheitlein vber sich / bis dz du vnden mit dem redlein durch die zwey

richfscheitlein vnd gar ans end kumbst / so wirdet dir das lenslein vorn mit der spitz dise lini füren / wie sie werden soll / Dise mein meynung hab ich nachfolget auffgerissen.



B 31 30 29 28 27 26 25 24 23 22 21 20 19 18 17 16 15 14 13 12 11 10 9 8 7 6 5 4 3 2 1 a